




羊城古鈔



ル 5
1519
1



門名
1519
卷
16

1519
1



嘉慶十一年鐫

順德仇池石輯

羊城古鈔

聽松閣藏板

必翻
究刻

羊城古鈔自序

天下為耆古好奇之士恒多舍近而圖遠
厭小而務大六合之遙四海之富苟有殘
山賸水漏義遺文頗堪傳述者莫不旁搜
遠博罄其藏而始快以故十洲三島三都
兩京諸勝掩卷遐思恍如目覩無他情之
專也及語以本國遺徽故鄉軼事反不能
無習而不察語焉不詳之處是何易其所



五坡自錄卷之九
難而難其所易耶豈所謂貴耳而賤目者耶帝堯之歌曰不躋於山而躋於垤人之常情類然也不佞粵人也輒不自量竊欲效司馬子長遍覽天下奇山水發我性靈誠大快事顧有志未逮亦惟是生於粵長於粵南人操南音雖不忘本不已陋乎吾知淹博通儒必有以井蛙貽譏者雖然吾聞之平地爲山先覆一簣寸雲觸石迅徧

九垓所積者漸也彼六合之遙四海之富安知不自父母之邦始識之乎且以吾粵而論南交地宅半壁天開移鄒魯於海濱聚仙靈於窟宅其地其人固多足紀又况省會之區尤爲領袖百粵冠冕炎洲者也自漢以還山川之淑氣常凝文獻之流風可接詩曰惟桑與梓必恭敬止桑梓且然况山川文獻之大歟閒嘗登玉山步層樓

南望尉佗城靈洲注其西扶胥繞其東其中偏霸業沉衣冠盛氣遐踪往跡皆在是焉祗徊者久之而懷古之情頓深矣興到狂吟往往而有爰搜三城之名勝檢入詩題覽千古之芳踪徵爲典故登臨偶記無非裨史傳聞取次不倫未免吟壇見哂第提表而先擷領將十郡自可徐參循此濫觴則雖十洲三島三都兩京無不神遊其

盛又何有於殘山賸水遺文漏義而不拓拾其餘哉若然則謂羊城爲覽勝之發軔而古鈔乃淹雅之權輿也可竹嶼仇巨川
滙洲氏自序

羊城古鈔序

國家之化與天同遠地不得域而限之也
往蹟之垂由地而推天亦無容混而合之
也是故彼一山川也此亦一山川也而名
勝分焉彼一人物也此亦一人物也而事
跡殊焉惟其殊而分也地若有以限之然
究其分而不分殊而不殊者則同乎天矣
譬之川也海也川之流以百計而海之大

則滙於一宇宙間事物至繁要未有不由
小以見大由近以至遠亦猶百川之分且
殊未有不歸于海而後見萬派之混茫無
涯千頃之變幻無盡者審其源流固有自
爾噫嘻此仇君竹嶼羊城古鈔之所由輯
也仇君吾順之勒竹人也順邑處羊城西
南境接南番香新之交無地非水所居山
莊村舍悉水繞其旁而舟楫往來隨潮上

下一望而波光四合景物超然故其人士
類多瀟灑出塵能文章工吟咏而其所著
見者亦無涯無盡一寓其汪洋浩瀚之勢
論者謂地之靈有以鍾之也若仇君則更
篤於學雖終身布衣老而不倦知君者未
有不爲君惜而君固淡如也始予聞君之
名而未識其人乾隆己酉之秋晤君于羊
城客次因獲覩其詩古文詞洋洋焉浩浩

古坡司金之序
焉蓋於學無所不窺而近而親炙之者幾
不知其津涯之所自也爲之嘆惜者久之
後復以其所輯羊城古鈔質於予曰吾生
平頗耽吟咏每事搜羅然竊怪當世之騷
人墨客往往侈談天下之大四海之遙無
物不有無事不備一反質諸其小者近者
而茫然矣夫小者不遺而後可見其大近
者不遺而後可及諸遠舍是以求烏覩其

所謂博聞廣見哉予深然之又後十年嘉
慶己未之冬時予乞假歸里君復以書來
歷言生平所著詩文并道其心力所注者
羊城古鈔一書願予有以成之也予適纂
輯鄉志因延其抵齋互爲商榷庚申春君
果携書而至風雨聯床喜形於色乃甫閱
兩月而君病病而歸歸而不起其書宛然
其人已古不忍虛其來意遂爲之檢訂爲

羊城西錄卷之十一
三
之繕寫其條目則約而得要其體例則備而不煩舉一羊城推之全省可知推之天下皆可知名以古鈔推之已往可知推之未來亦可知誠以古今之故事物之原其同得于天者地不得而限之也然欲見其大而畧其小不能窺也欲極之遠而舍乎近不能至也羊城一川也古鈔一川之流也天下有百羊城百古鈔將由百川而滙

於海而海之大不已儼然在目也哉予願讀是書者同窺此意也尤願讀天下古今之書者皆同窺此意也爰弁數言付諸梨棗噫嘻是豈有數存乎仇君之願其畢焉矣乎而予之事亦畢焉矣乎仇君有知其將含笑于地下矣乎嘉慶十一年歲在丙寅孟秋上澣謙山居士溫汝能謹撰

羊城古鈔纂輯書目

羊城古鈔纂輯書目

尚書

詩經

周禮疏

春秋元命苞

杜預左傳注

爾雅釋天

爾雅注疏

正義

皇甫謐帝王世紀

通歷

汲冢周書

史記

史記天官書

漢書

西漢書

前漢書地理志

後漢書

晉書

羊城古鈔 書目

晉史

宋書

梁書

陳書

齊地理志

隋書

隋地理志

唐書

晉書天文志

唐一行天文志

唐書地理志

五代史

偽南漢書

南漢劉氏興亡錄

通鑑

宋史

宋史天文志

宋中興天文志

宋兩朝天文志

崖山志

崖山新志

元史

明統志

明史

大清一統志

皇輿圖表

鄭樵通志

杜佑通典

蔡邕月令章句

淮南星部名

星經

星書

廣東通志

黃泰泉舊通志

戴璟通志

郭棐通志

廣州府志

裴淵廣州記

交廣春秋

楊雄交州箴

南海舊志

南海縣志

番禺縣志

番禺續志

通志叅補

交州外域記

古圖經

桂海虞衡志

吳淵穎古蹟記

韶郡志

唐坳西域志

沈懷遠南越志

南越志

陸賈南越行紀

楊孚南裔異物志

陳承韜南越記

續廣州先賢人物傳

圖經

方輿勝覽

廣州人物傳

交州外志

順德縣志

荊州記

南征錄

太康地記

嶺表異錄

南海神廟記

蔣之奇記

韓退之序

吳澄記

王勃記

嶺南雜記

李昂英南海志

鄧德明南康記

郭璞山海經

淮南子

抱樸子

莊子

列子

董子

三城山錄
書目
三

李太白詩集
韓昌黎詩集

陸龜蒙集
王幼安集

黃泰泉文集
湛甘泉文集

孫西庵集
海目詩集

方信孺南海百詠
海珠寺志

光孝寺志
靈洲山寺志

湯价慎思錄
蓮香集

西樵山志
羅浮山志

寰宇記
風俗通

山堂考索
文獻通考

响嘯碑
駮鸞錄

論語摘輔象
册府元龜

雙槐歲抄
尚溪織志

酉陽雜俎
湧幢小品

西事珥
老學庵筆記

道書
列仙傳

玉堂嘉話
名勝記

觚賸
王弇州艷異編

三城山錄
書目
四

羊城古鈔

凡例

一羊城爲東粵省會之地各志紀載甚詳似不必災梨禍棗專勒一書況乏史才何敢漫言捉筆但志書大則天下全省小亦一郡一邑所載浩繁且其中條目多有爲作志所必詳而服古之儒或不暇事此者是書之輯第遵各志併旁搜諸書而滙錄之名曰羊城古鈔聊以備吟眺中資考核爾非稗史也

羊城古蹟
一纂輯諸書謹按

大清一統志

御覽廣東通志爲宗廣州府志及南番邑志次之而雜志雜書亦多採錄焉間叅以愚見要必有所根據斷不敢妄逞臆說

一古鈔而曰羊城是所鈔者專在羊城也固不敢廣羅外地混同各志然亦非止此城廂內外也所有鈔錄一遵志載

國朝羊城八景之地以爲斷限

一志中多相沿舊志於前朝年號人名之上閒漏紀代茲凡前代年號人名雖衆人熟悉者必列明何代所贅也所以別乎國朝也

一是書首揭輿圖使羊城大勢瞭如指掌而輿圖尤先冠以粵會賦者蓋以是賦備羊城之大勢而又已櫟括是書之大略也提裘挈領端在乎是故錄卷首

一天官家言名爲聚訟唯通志星野一冊彙考經史兼稽衆論而省會分野兼斗牛女三星誠爲折衷至當謹從之

一通志星野不言占驗而熒惑守斗及孛于牛女之類散見編年中茲撮紀於星野之末并附錄禳祥以便叅考

一山川脈派乃全省形勢之所融結不敢從略故山必遠宗乎大庾水則直溯乎牂牁固不得以八景所至之例限之

一西樵山乃

國朝羊城八景之一雖遠在百里之外亦必詳及

一各志井泉或入山川或載古蹟參差不一

茲並載入古蹟以便查閱况井泉之爲川因鑿而得人事所存斯古蹟係之矣

一藥洲已列其名於山川而復詳載於古蹟蓋洲本川也而古蹟尤著故分列之而詳畧殊焉

一九曜石客石也不得與浮邱魚珠諸石並入山川中多古蹟故入古蹟

一祠壇寺觀兩者有祠壇而僧道居焉有寺觀而神靈祀焉其本祠壇者則列入祠壇本寺觀者列諸寺觀

一塔本浮屠氏所製以藏諸佛舍利者卽中國之墳也今城邑多建之以壯形勢而原其始則非爲形勢設也固宜附於塋墓但閱各志悉載在古蹟豈真以古蹟重耶抑亦不欲以浮屠之例例中國耶茲謹依志載仍入古蹟

一紀事始於趙佗佗以前非無事可紀但事少而詞簡沿革已載茲不再錄

一國初勦滅諸盜不盡在廣州然勞師動衆多出

於廣且諸盜與尙藩相終始故悉錄之

一粵中名宦人物光昭史冊者難以枚舉其非有殊跡廟食著於羊城者不暇悉紀

一通志名宦傳中忠義另標一門謫宦流寓附後人物傳中忠烈孝義文苑隱逸另標一門烈女另錄所載者多故別之耳茲惟順挨年代而槩紀之而傳末仍列明各門字樣庶不混雜

一羊城景物歷來眺吟諸什美不勝收間有鈔錄不過借文徵事耳非有予取也羊城

羊城古鈔 卷八 詩鈔別彙成編俟續出

一羊城古鈔類分八卷輿圖首列明有象也
有象斯有形形而上者爲星野形而下者
爲城郭爲山川故卽次之有城郭山川斯
度地居民而有建置祠壇學校坊表則建
置之大者也憑邛壘以吊先哲觀郵政而
頌

皇仁斯又文人學士所不能已於懷者至于浮屠
老子之宮建置甚鉅各志獨次于後毋亦
以緇黃二氏故歟而吾人則惟以覽勝之
區視之存而不論焉可也有建置斯不能
無沿革故受之以沿革有沿革而事紛如
矣故復紀之以事事存乎人故受之以名
宦人物先名宦而後人物禮也亦分也若
夫仙釋自異齊民高言出世斯不得而人
之矣乃復齒于人後者亦猶存浮屠老子
之宮之意也由是而名賢接踵仙梵遺蹤
古蹟傳而靈異著矣雖然物不可以終異
盈天地間事事物物皆常道也故受之以
雜事雜物終焉凡此皆古意所存閱之者

羊城古錄 卷之九
可以興矣而登臨吟咏之需皆于是乎取焉若夫貢賦倉貯兵制鹽政之類各志甚詳無關吟眺茲不具錄博聞強識之士另參各志可也

一羅浮山太史公謂爲南嶽佐命道書稱爲天下第七洞天可謂名勝之大者矣遊吾粵而不知有羅浮何異跡遍天下而不知有泰華武夷天台雁宕也故附錄是山以爲選勝者覽焉或曰是亦廣州之東樵也當與西樵並錄否則附諸山川後可也茲

乃另置卷末是亦不可以已乎不知是書旣以

國朝羊城八景所至爲限則羅浮斷不得闌入山川之內矣蓋其不闌入者以斷限重也而必附錄者以名山重也

一宋亡於崖石是書錄之似失斷限然當時廣州得而復失者四實與崖山相爲存亡必條明其三復四失之顛末而崖山之事所遺者寡矣故連而及之

一廣州府志載張文獻余忠襄入名宦以二

公非廣州人而曾宦於本省也若夫羊城則為通粵省會之羊城非廣州所得而私有矣故列人物

羊城古鈔目錄

卷首

輿圖

卷一

星野

禡祥附

城池

卷二

山川

卷三

祠壇

學校

坊表

寺觀

郵政

塋墓

卷四

沿革

事紀

卷五

名宦

卷六

人物

仙釋

卷七

古蹟

卷八

靈異

雜事

雜物

羅浮山附

羊城古鈔卷首

順德仇池石秦山氏輯

輿圖

粵會賦

百粵之會是為南海仰稽璿璣星紀所在黃鍾協
 律赤燁流形上燭南斗之精下凝衡岳之靈左跨
 荆揚五嶺之重阻表以靈洲黃嶺之山右瞰牂牁
 溟渤之洪波帶以桂鬱滇肆之川神鼇奠足星鷄
 頰首睇睇甌閩若趨若走前有虎頭之門限隔島
 彘來航萬里沂沿滄瀾而凡躄羅真臘之屬其布

猶碁焉於後則白雲紫雲迤爲越臺曹幕地湧石
門天開蹠以羅浮璇房瑤室穹窿齒萃巖從鬱律
朱明靚深鐵橋峩岌神芝珍禽往往叢集近郭則
會以九曜縈以三江表裏回遊奔峭飛淙沉珠拾
翠礪砢盪激入極浦而迴迴迷不知其所適於遠
則循洗口以荒極得靜福之寒林接黃連之巨嶠
信南戒之喉襟呀峽山而陟韶石撫神臯而挹粵
區蓋自赤縣之外於焉重啓堪輿晞暘光於夜半
竭靈景之扶胥殆有大章孺亥所不能迴林閭梗
槩靡得而書者矣方姬籙之季嬴秦擇肉勁越守

險尸尉睢而摧監祿雖大荒之南徼風氣則通乎
域中道汗而汗道隆而隆東井緯聚龍戰函夏季
以兆王佗以基霸遇呂雉而自君待漢文而後順
絕潼關以立國迄獲嘉而始郡鄧讓貢而漢復炎
區景攘而火終運郭馬亂吳盧循覆晉馮歸隋治
劉據唐衰至於鏗降真伏雖百世可知也宜其可
定爲巖邑實係皇輿之安危然而議者猥言荒裔
殊異要綏豈不戾哉自明代之適興也淮飛神龍
陸剪長鯨薄海內外罔有不庭左丞稽首遂合三
城千雉宏麗五翬飛鷺增拓黃圖延納丹溟媿周

法而剗元蕨陋巽隲之所經營於是登望則綴珠
崖巨銅柱跨龍編揮鱷渚北通燕薊吳鈞楚距萬
里帆檣蠻煙蚤雨胡賈鼎來所至成聚斷虹兆颺
敝船滂嶼其氣候之不齊或瞬息而備寒暑然而
謫徙寢繁華風日邁霜雪時降民不告憊允矣樂
國四方所屆實泉貨之淵藪燹夏之都會也內則
閭閻撲地長衢廣陌關闕七門溝濬六脈臚列市
廛墜分貿易連葢結駟埃壘相射莫不奴陶頓僕
翁伯皂張里臺濁質囊橐孔鉤缺斛盈溢犬馬蹠
紅腐緡縵朽赤仄執牙籤以夜籌向什一而今千

百山澤之沃鍾爲土毛禾稻綺錯杭穉穰釋塍埒
交經枕海連臯秋成豐蔚富侈相高賽社祈年或
沉涵而自豪其布帛則攀枝吉貝機杼精工百卉
千華凌亂殷紅蕉苧雲浮紉繡冰空疎絺繭暑密
斜弭風其材木則楸楠松椶楓樟杉榆檉柘穀椀
榕櫟椿樗合抱隱岑千仞排虛剛柔性異貞脆質
殊卑高沃瘠各隨所如其香藥則沉檀安息白膠
青木馬牙鷄舌龍腦天竺卷柏茯苓青精黃獨宜
男益母有繁其屬其果則盧橘楊梅黃蕉丹荔柑
橙丸金椽柚幄翠橄欖餘甘五斂干歲人面薦仁

宜濛醞水其蔬則金薺玉藟香菌紫芝杞吠靈龙
芋眩蹲鴟樹茄筏薤紅葩綠蕤擢蓊盈園搖芳映
畦至於鷄豚散野牛馬量谷家積荳椒戶映藤竹
魚鹽漆蠟其彙如族豢術廣於齊民之篇植品參
於桐君之錄矧又火伏孽息海緝懷珠山愜水封
鑿礦攻瑜據險角力歲罔莫居實身狗財卒諡爲
愚島舶之來有粲其寶錯鐐鑣釧璠璣瑾瓌璣玕
瑟瑟瑋瑁瑪瑙玻璃珊瑚琉璃車渠木難火齊陽
燧方諸龜筒鶴頂犀角象齒猫睛日耀鴉鶻霞綺
流黃空青縹碧紫英其罍如雲其曠如星蓋廣南

之富傳自古昔苟非上失其道則亦無致於捐瘠
故其民莫不因歲時事娛嬉蒲澗越井吊古探奇
騰吹峻坂弭蓋清漪邀陌頭以偕樂導雙旌而前
馳亦有俠客疇人五豪七貴揄魚鬪鷄攤錢角觝
六博五白弦管流沸爰長騁以遐眺挹自然之神
麗循東溪陟北岡度樾橋至珠江刺桐木槿含榮
吐芳素馨茉莉旖旎芬香柳漿醉客侑以檳榔竹
枝金鏤翠翹明璫擁窳齧之蛾眉萃醯醢之衣裳
蓋處沃土而淫惰民之常也方和樂而謳吟世之
昌也使歌喬木之南有戒蟋蟀之太康則雖好樂

又奚傷焉盍亦覽霸迹以自明乎昔尉佗之在秦也力政毒痛血民於牙咸陽瓦崩萬寓蠶拏於是乘黃屋而自王總朱垠以爲家乃據秦府庫殺其長吏營宮建室自置神器諺門曲榭坻鄂宏闕虹梁纒連雲構林植旣崔嵬以宏璉又宰豁而鼯肩左纛以朝箕踞魑結爰立相臣御史中尉將軍郎吏盜竊秦制閣道園闕高薨甲第上崢嶸而瓌瑋下金釁而繪纒避暑離宮不知其幾汔莫能名其一二焉猝遇陸生築臺朝漢蒸土切厓揭孽隆矸埽霓承雲立其楨連岫複坂環其畔視奔星之俯

馳挹流泉之滂泐國終殄於樛女歸餘基之漶漫民生其時亦孔之悲工役不息肉刑且施辟張羅以絕飛走又爲豺虎而歐之漢唐休養施於五季兵纏紫微蠹及丹裔劉龔僭據業承先世身爲蛟蜃恣厥吞噬乃自謂膺乾符執坤樞熙鴻名恢駿圖鑿翠闢郭繚瀛作都雙闕微道九軌經途門千戶萬宿衛周廬構乾和之寶殿法太紫之規摹抗應龍於閭闔耀玉題與金鋪罍罍泐泐以迤邐藻井狎獵以紛敷後宮則有禹餘太一景福龍應玉清思元南宮定聖南薰別殿北接明光椒鶴貫魚

三城古鏡 卷首
絳服靚裝溫室甲帳永巷迴廊飾華棖以懸黎綠
繡栴以璧璫苑囿則有昌華芳華甘泉望春飛橋
跨沼崇桃映津泛栢濯足翼翼鱗鱗離宮閒館亘
五十里呼鸞載道引以蘭綺蒼蚪銜綏白澤衛軹
時升中於園邛或耕藉於中鄙復通鄰而耀武啓
封疆而自喜左三湘而右八桂控賁禺而役交阯
又有玉液之池明月之峽含珠之亭紫雲之閣桀
壁對峙泚泉旁達修篁灌木青翠相發風露披瀆
於翳蒼日月投光於巖穴踈名勝而建浮屠宮於
四周者二十有八叶列宿之景曜金磬鏜鍠而互

答遵彼北川迄於西城層軒疊閣建鼓揚舩宮娥
競渡貂璫練兵招羽人於藥洲陳不死之丹經又
有三事六官府署司院蘭臺石室濟濟儒彥虎鷄
開幕闔戟峩弁張鄺列肆征權充羨金陵供御紅
雲設宴蟾姬瓊仙握爵銜憲學士自宮以求進才
人調謔而相見乃設水獄乃樹刀山槐棘之貴就
僂猶菅虐焰散於黃墟腥德通乎元間民亦何辜
罹此凶艱蒙元方興宋社將屋讖符四廣厄鍾百
六鑾輿狩於厓門竟膠舟而不復百萬王師盡化
爲魚正后忠臣之氣恒黷慘而不舒然經慈元之

殿趾瞻永福之陵墟徵天道之往復而奚必詠秀
麥之油油與皇矣太祖德合泰清命彼征南掃此
攬槍風邛月竈欵塞來庭詔幽滯以天光振潛蟄
以仁聲故雖百粵之遐逖仰人文而化成洎列聖
丕承蕩蕩涵育三辰受撫四靈在畜道胡不臻化
胡不穆天地無爲鼓其化者橐籥神功不宰分其
治者岳牧是以簡賢哲之霽霽用班布於南服乃
建薇藩其藩兢兢乃建霜臬其臬巖巖都茲兵閫
竝立爲三驄馬行臺以察以監十府七州雌塗郡
閣縣踰六十犬牙間錯駢駢庠序泮宮俱作衛所

戎行督鹺理舶巡警置郵犴司連幕峩棟宇而萃
胥徒依崇墉而臨巨壑於是宣天燹恤民恫播芳
猷息器風開誠展才表正景從思齊處默抗迹敬
宗使茂德流於有截而芳訊垂於無窮函氣之屬
聲教漸浹雖椎埋之雄遊俠之客奇衰之酋侏僂
之域莫不革面而澡心沐浴於皇澤是以邊鄙不
聳海波不揚男勤稼穡女務蠶桑黃耆台背遊戲
康莊耳不聞乎枹鼓目不覩乎牙璋歌禾塵之旣
登談穗石之爲祥今日之民可謂康矣春王初吉
置酒交會粲胸冠服鏗鏘劍佩元夕治遊鼇鎗絳

天士女如雲寶馬瑤駟清明簪柳椒漿酌墓端午
酌蒲錦幃競渡中秋重陽泛芋題糕亦既醉止其
樂陶陶春秋社蜡椎牛醜酒飲以兕觥有濡其首
卒歲大讎伐鼓鳴葭侖子萬童屨首謹譁左斬魃
魃右殪蛟蛇宸綱爲之踟躕况黃衣與赤蝦迄守
歲而迎春俗靡愛乎紛奢觴茅谷而蒸骨董亦何
恤其無家循河南岸市比如櫛齒革果布埴鑄髹
漆藤竹諸器巧逾天出煙雲連騎羅綺盈室殊方
異類豪舉森集登山取材則柯株攢露篠蕩封塵
花梨蒲筴積猶棘薪煮海爲鹽則雪濤漂紺炎甌

烹素神液磊砢甘鹵布濩至於狎狗璀璨聆鰲紛
披握椒片糖天下所資每易致而輕視或塵泥而
棄之今日之民可謂庶且富矣且夫世方倣擾則
龍蛇起陸牂羊在野山呈古劍海出丹馬今也青
雲干呂靈鈺順經和飈甘澍疵厲不興不童不涸
不騫不騰嶽祇貢祉川后效靈城埠隍社羣公先
正春秋秩其祀事莫不流胙蠻而飲德馨然則山
川鬼神又可謂寧矣東北多山獸走鳥翔鳥則鷓
鴒山胡鸚鵡鴟鷃鷓鴣繡質鷓鷃綬章白鷗縞衣
金鵝黃裳晨風林鬱時鷓山梁爰居違煖賓鴻避

涼鸚鵡以言而畏斂孔翠因羽而懼戕映明壑而
迴翫戀赤霄以悠揚獸則麀麋麋麋犴猯狻麀
狼獾獬土麝沙牛甲攢陵鯉箭豎豪猱辣矜角逐
狸兕儻遊狝鼯續翻猱猢猯蚪飛枝擲於猓然曾
厓響乎穉孺蹲深谷而駭駭發密藪而伊叻東南
多水韜星浴日珠池貝闕鰲宮鮫室鼉鼉鯤鯢於
焉宅窟鱗鬣聳山鱉脊揚鈔鱗鯉龍喙鯨鰲虎質
鱗鯽嘉於丙穴鱣鮪夥於沮漆鋸張牙而戟立鯽
窺烏而墨出蝦寄目於水母蟹或腹於瓊瑤海僧
泣而占災天吳舞而颺颺罽鼠網箔獲必盈槎編

鱗魴鱧鱮鱸鯊鰕鰾鷺毛鳳尾白飯黃花腰帶橫擲
比目貼沙蒼芒蒲赤蒸雲擁霞鱗介交錯既初且
躍煦沫涯孺睢盱瀼汨蚶蛭蟪蚌螺蜆蠓蛤鸞帆
海鏡江瑤沙白車螯胡鯁鱗蚌蟳蛸仙掌瓦屋石
首筍殼雖汀渚之潤淡猶露鱗而潛鱗然則鳥獸
魚鱉亦既咸若矣嗟乎天之生物也寒之則凋暴
之則榮人之居室也多陰則幽多陽則明惟陽明
勝夫陰濁則扶輿淑氣栽而弗傾故嶺海炳靈英
俊挺生鍊金之晶比玉之貞樂道好修晞古振纓
騰其實則爲龍光蜚其聲則化鶴鳴邁迹董正疏

源則德詒世程追蹤羅威唐頌則孝闡天經迄馮
翼以儀天朝地格泰清奠泰寧輔皇極陳丹誠書
買買合紀力樞樞以承楨苟非其時不榮以祿寧
爲堯堯無然碌碌彼其兆楚相之仙羊馴涇令之
白鹿司中正於州閭宣威信於蠻俗又孰與謝湘
東以捫羅遯甘溪而采菊也哉若乃囊笏槐位獻
鑑楓垣海鷺託諷白羽銜恩從其謨則儲闈靖謐
違其諫則鼙鼓喧闐張曲江之相開元也平章綸
省獻納台司一介不取九死不移安居則非已有
邠賄則畏人知劉湟川之相懿僖也鶴池摘藻鶴

駕養正臺閣品式禮樂命令直金華而獻五箴循
秩宗而贊八政馮道宗之傳天聖也力辭相樞疏
十三陳秋圃寒香頤老海濱臨邊則敵人失其勇
智登陣則逆卒讐其威神崔正子之爲千載一人
者也然且躅姬周贊夏商鯀濬虞鵠聖唐駢貫三
才燭明五常日肴覈乎道德期曼羨其輝光遡洙
泗而洄源挾伊臯以翱翔蓋偕昊天而出王洞化
育之洋洋者乎於是侏侏青衿番番黃髮几竄屏
葭葦與鳥獸羣者咸侏焉憤悱而罔闕旦夕敷言
靡國不達轍僂俶儻矚名昭察稅陷局而榮鏡易

叨瑩而闔澤乃駢坐而謳曰猗粵之昌兮猗俊之
 章兮彼紛葩瓌麗曷克當兮端拱治世儀鳳凰兮
 綢繡璘璠粵為鄴鄉兮皇兮唐兮慝天則以無疆
 圍圍縵縵雲之卿兮綢繡璘璠粵為鄴鄉兮皇兮
 唐兮慝天則以無疆兮

粵會山川形勝圖說

東粵省會昔人所稱地控蠻越唐洞西嶺南都會

隋地濱際海隅委輸交部包山帶海晉連山

隔其陰鉅海敵其陽韓退之序五嶺峙其北大海環其

東眾水滙于前羣峰擁于後蔣奇記地總百粵山連

五嶺一統志葵夏奧區仙靈窟宅王勃記山川綿邈土

野沃饒元史西肩巴蜀東臂甌閩吳澄記海對羊城山

連象郡高適靈淑鳩凝豐厚夷衍李昂英記自析縣來列

郡西南上束石門下矚扶胥長江天塹壁壘完整

南海舊志網維嶺海保障東南梁昇其東境之山自衡陽

支分度桂嶺過昭梧而來曲江瀧湟諸水由北而南鬱潯端溪諸水由西而東經於靈洲瀦爲珠海郭璞所稱南海盛衣冠之氣者故曰石門天開三江赴之南滙於海羣山固之其鎮曰白雲其主曰越秀其勝曰西樵其秀曰靈洲若省會大江東注恒嫌東沙順窺明萬歷中知府郭師古於東南沙洲建海印閣丁酉歲王光祿學會倡議與郭勲卿棊楊戶郎瑞雲力請當途於東四十里琵琶洲建九級浮屠以障之屹峙海中名曰海鰲復浚城西故濠使繞城如帶至萬歷四十七年直指王命璿

謂建浮屠赤石岡壯捍門文筆於形家便捐助醮金有差建未半費詘工寢黃宮詹儒炳贊其役屬李中丞待問嗣建暨陳都諫熙昌始落成之旁建寶相寺左築巒山書院聯絡琶洲石礪三浮屠拱峙形勝益雄地戶益固獨沙角尾當省會上流不宜長堤送水今射利者漸填漸廣長此安窮維桑之計亟宜勒碑畫界以後毋再驅石填海舊志所云實爲仙城造福

國朝以來沙角尾外坦因沙淤高積建砲臺防禦而海旁新基一帶豪民近復運沙石填築送水日

甚非省會所宜留心形勝者清查勒碑永禁郡城實嘉賴焉

省會城郭圖說

廣州之城周赧王時粵人公師隅始築號曰南武厥後任囂趙佗相繼增脩又因楚時五羊含穗之異稱以五羊廣城之建其來已久嘗鑿於往事宋慶歷四年經略使魏瓘加築子城兼完雉堞儂智高寇大通港遙望城堅不得逞而去紹興二十二年修繕三城經畧使方滋增加井幹樓櫓堅固章貢盜起將寇廣州亦望而宵遁千里提封萬民生聚所賴不綦重乎嘉定三年增築雁翅城東西俱袤數十丈上建高樓東曰番禺都會西曰南海勝

觀端平二年又築外城三面環抱列門一十有四
 明永嘉侯朱亮祖以舊城低隘請連三城為一關
 東北山麓以擴之於是後倚粵秀前俯珠江牂牁
 西來羅浮東峙又築五層鎮海樓以壯觀瞻闔堞
 烽整規模宏敞洵足以襟帶全粵而壓制諸彝為
 嶺南一重鎮矣夫高城深池古稱天險茲城向有
 舊濠繞新城而南入珠江又古渠有六貫串內城
 可通舟楫使渠通於濠濠達江海城中可無水患
 實會垣之水利乃屢濬屢湮六渠遺跡自大市至
 五子城迄今尚可履考疏濬之功宜及時圖度云

羊城八景所取互異

粵秀連峯 琶洲砥柱 五仙霞洞 孤兀禺山

鎮海層樓 浮邱丹井 西樵雲瀑 東海魚珠

此 國朝廣州志之八景也

扶胥浴日 石門返照 海山曉霽 珠江秋色

菊湖雲影 蒲澗濂泉 光孝菩提 大通烟雨

此八景見宋志

扶胥浴日 石門返照 粵臺秋月 白雲晚望

大通烟雨 蒲澗濂泉 景泰僧歸 靈洲鰲負

此八景見元志

粵秀松濤

穗石洞天

番山雲氣

藥洲春曉

琪林蘇井

珠江晴瀾

象山樵歌

荔灣漁唱

此明志八景也

粵秀連峰




粵秀山在郡城內稍北亦名越王山東西表三
 里餘翠巒聳拔下視番禺二山特部婁耳山
 巔有觀音閣閣之東北越王臺故址存焉卽
 朝漢臺也下俯半山亭都人歲時登臨藉憇
 於此劉龔時壘石爲呼鸞道夾道栽金菊芙
 蓉折而北有歌舞岡一名越井岡卽尉佗三
 月三日登高處

琶洲砥柱



琵琶洲在郡城東南四十里江中有洲突起高
 十餘丈上有三阜形似琵琶明萬歷戊戌光
 祿卿郭棐寺丞王學會主事楊瑞雲請于院
 司卽洲上建九級浮屠屹立海中以壯形勢
 名曰海鰲塔北建北帝宮以鎮之旁有海鰲
 寺



五仙霞洞

羊城古少

完


五仙觀舊在番禺十賢坊洪武十年布政使趙子堅以觀地為廣豐庫乃於坡山建通明閣塑五仙像于其中少者居中持粳稻老者居左右持黍稷皆古衣冠階下有石羊五又有一巨石廣可四五丈上有胷跡跡中碧水泓然雖旱不竭似有泉眼在下亦異蹟也叅政汪廣洋建禁鐘樓於上顏曰嶺南第一樓



孤兀禺山

禺山依城之北與番山相去里許番南禺北聯
 屬如長城然邑之得名蓋以此也南漢時劉
 龔嘗作沈香臺觀於禺山上舊多松柏今無
 存

鎮海層樓



羊城古蹟

三

鎮海樓在城北粵秀山左一名望海洪武初永
 嘉侯朱亮祖建凡五層高八丈俗稱五層樓
 矗立霄漢間山川形勝了然在目每當四窓
 洞開一望無際俯涵巨海仰陟蒼冥亦一遠
 觀也說者謂永嘉建樓後屏藩永奠粵中反
 側自安樓以鎮壓理或然歟



浮邱丹井


浮邱在城西一里舊傳爲浮邱丈人得道之地
上有朱明觀所謂羅浮朱明門戶者也邱下
有井晉葛稚川鍊丹於此嘗飲斯水而井遂
以丹異焉仙源沃濯有自來矣聞有海神獻
珊瑚一株故稱珊瑚井井旁多菴蓀草每際
三春上已遊人多往采擷以擬靈芝仙種云



西樵雲瀑

三城古少


西樵山在南海西境與羊城相去一百二十里
 環峙七十二峰其最高處則大科峰也遊者
 嘗夜半登此觀日出焉中懸百丈飛瀑可名
 者翠巖朱坑白雲諸洞而白雲則何白雲先
 生讀書處山幽水冽其瀑高從雙壁而下穿
 石橋而出石下有澗聚而成湖尤為諸瀑之
 冠陳元孝詩云橋分三折入天拆一門開蓋
 紀其勝云



東海魚珠

魚珠在羊城東四十里相對岡之南四面皆水
中有卷石圓淨如珠蓋類海珠然北一山象
魚張口向珠因名舊築砲臺其上今廢

廣州府城郭圖



羊城古今


西樵山圖



大成古小


卷首

三五



三城百金

三五



西樵山圖說

山距郡治西南百二十里其高千仞周四十里峰巒七十有二其絕頂爲大科峰稱羅浮之佐民居墟落有十三村散置高下蓋自下而望峭壁奇峰森森鶴立及每上一層地卽平坦且石罅飛泉噴珠濺玉爲溪爲澗隨處通流故村民聚處者竟忘其爲山巔巖際也自江浦司北上黃旗岡折而東爲牛眠峰金石壁由石地塘而上爲木橙峰八楞峰谷瑰峰至白雲寺迤西卽白雲洞洞中有曲水流觴之勝下爲瀑布亭採芝徑跨纜絛峰而下爲

寶鴨池衆流之所匯也上至雲端村有瀉錢泉從空細下傾曼有聲廣朗洞口瀑布作三級逶迤而下水轟雪吼倒射青冥其勢益奇迨緣屏西上遊人有自嵯之嘆者則大科峰也卽望日臺高入雲霄爲七十二峰之冠衆峰環拱如兒孫之羅列矣下爲大科村南對雷壇峰而碧雲紫雲黃雲三峰排列於前若屏障然西接紫姑峰綱魚嶺下爲九龍洞洞爲湛甘泉先生講學處又西爲象岡則西樵發脉之祖也其南爲牛門岡蚺蛇岡村墟竹樹衡宇扶疎再折而東爲插劍峰玉女峰小元峰層巒疊秀不可名狀更自猛虎峰南下卽寨邊村西樵之勝盡矣至若村落間雞犬鳴吠若近若遠杜鵑蘭桂之屬掩苒含風花棧叅差雲畦歷亂遊者往往迷路可知武陵人非寓言也

羊城古鈔卷一

順德仇池石秦山氏輯

星野圖目



星野總圖

星紀圖

天市垣圖

三台北斗圖

老人星圖




皇甫謐帝王世紀黃帝受命始推分星次以定律
 度自斗十一度至婺女七度一名須女曰星紀之次
 於辰在丑亦謂之赤奮若於律為黃鐘斗建在子今吳
 越分野


唐書地理志嶺南古揚州之南境韶廣康端封梧
 藤藤羅雷崖以東為星紀分

韓昌黎曰踰甌閩而南皆百越之地於天文其次
 星紀

星紀圖 斗牛女



謹按爾雅釋天及杜預左傳注星經淮南星部名諸書皆以斗牛爲越分野而不言女周禮疏史記天官書前漢書地理志沈懷遠南越志唐一行天文志杜佑通典宋史明統志山堂考索諸書俱以牛女爲越之分野又不言斗至若春秋元命苞獨以牽牛一宿主揚越正義獨以須女爲越分野元史又謂斗四度三十六分六十六秒入吳越分唯爾雅注疏及蔡邕月令章句則兼南斗牽牛婺女三宿諸家分星古今互異大抵分野之說始自黃帝其時未有吳越第舉星紀以槩揚州自甘石後星文益密豈知氣凝於地而精應於天天天道高且遠何能析度分屬哉廣州府志謂以度數考之越得牛女爲多以災祥考之則獨繫於南斗而廣東通志以熒惑守斗驗之又謂越之分野多在於斗是兼以斗牛女爲粵會分野以別於他郡其亦可也



天市垣


鄭樵通志天市垣在房心東北主權衡主聚眾市

中星眾潤澤則歲實

宋兩朝天文志天市垣二十二星東西列各十一

星其東垣南第二星曰南海第六星曰吳越

三台北斗圖



三台北斗

論語摘輔象充豫屬上台荆揚屬下級

按下級非下台上台下一星也

史記天官書斗魁戴匡六星曰文昌宮魁下六星
兩兩相比曰三能注孟康曰泰階三台也上台
下星屬荆揚荆揚粵也

宋史天文志三台六星兩兩而居起文昌列抵太
微其西近文昌二星曰上台為司命主壽又曰
上台上星主充豫下主荆揚

星書北斗七星第一星曰天樞二曰璇三曰璣四


日權五日玉衡六日闔陽七日瑤光石氏曰一
主秦二主楚三主梁四主吳五主趙六主燕七
主齊

按吳兼吳越而言也

戴璟通志東粵於北斗在權星于三台在司命下
星此不可易者

郭棐通志北斗第六星名闔陽權乃第四星主荆
當從闔陽為是

老人星圖



老人星

晉書天文志老人一星在弧南一曰南極常以秋分之旦見於丙春分之夕沒於丁見則治平主壽昌粵地盡溟海其次居丙丁秋分之曙南極老人星見于其位

熒惑星

通志熒惑以十月入朝太微出行列宿二歲周天出入靡常故不繪圖而

後附

宋中興天文志熒惑色赤比心大星大小類填遇有道之分則循軌順行天下義寧年穀順成主南方

天文書熒惑主楚越丙主楚戌主吳越

占驗

秦二世二年五星會東井倍於南斗說者曰東井秦分未分也南斗越分丑分也丑與未相背秦失王氣則越得霸氣故尉佗應之而興也按星經河戒六星夾東井當南北兩河各三星南曰南戒主越門北曰北戍主胡門則觀南越之星者觀南戒觀南戒者觀南斗故漢元鼎六年春熒惑守南斗而建德以亡梁大同五年冬彗出南斗東南指長一丈餘而李賁稱帝交州隋大業九年夏五月丁

亥熒惑入南斗其八月賊帥陳瑱陷高要九月賊帥梁慧尙陷蒼梧十二年秋九月有二枉矢出北斗魁委曲蛇形見於南斗而豫章劉士宏自稱楚帝地及番禺宋皇祐元年秋九月乙巳太白犯南斗而廣源蠻儂智高反四年夏五月寇封川復圍康州破之直攻廣州十月丙子太白復犯南斗而智高敗死廣南平紹定元年秋七月熒惑犯南斗咸淳五年夏五月有星孛於斗牛其後南恩州肇慶新封等州俱降於元祥興元年秋八月庚申月貫南斗乙巳星殞于海如雨其明年夏五月師潰

厓山丞相陸秀夫抱帝赴海死元至元二十一年秋九月癸巳太白犯南斗時嶺南義兵數起發江西等兵擊破之二十五年秋九月癸卯熒惑犯南斗時賀州賊焚掠封川大德七年秋九月熒惑犯南斗明年猺賊李宗寇新州元統三年冬十月甲寅熒惑犯南斗其後增城朱光卿等兵大起明洪武八年冬十月有星孛於南斗永樂十三年夏有星孛於南斗其後德慶猺鳳廣山瀧水猺趙普旺作亂僭稱將軍高要民吳大醜聚黨應之又其後南海盜黃蕭養起僭稱東陽王攻犯廣州天啟三

年六月望熒惑入南斗自下而上守斗中十有四日自西轉東其冬流賊自新會焚掠高明四會南斗之於越古今皆有占驗如此南斗固越之司命也然後漢書云粵地牽牛婺女之分野宋書云牛宿六星次三星主南越韓愈云百粵之地其次星紀其星牽牛故漢獻帝永建六年十二月壬申客星出牽牛於時士燮保郡二十餘年疆場無事民得安生羈旅之徒皆蒙其蔭而僞南漢時月食牛女間劉晟歎曰吾當之矣是秋而卒則牛女之間皆可以占南越也司馬遷云凡瀕海澤國當繫南斗粵之

平陸上遊則繫牛女然以度數考之得牛女爲多以災祥考之則獨繫於南斗然晉義熙六年春三月乙巳月掩斗衡而始興太守徐道覆反四月盧循寇湘中陷沒巴陵率衆逼畿輔衡者北斗之第五星實殷南斗者也而廣州與廉相去僅千餘里而廉屬翼軫與江楚同度故宋熙寧八年十月彗星入軫未幾交趾蠻陷欽州靈山則斗衡與翼軫亦可以占南越也

星聚

日月星起於斗宿古之言天者繇斗牛以紀星故

日星紀星紀爲十二次之首而斗牛又二十八宿之首故斗牛與中星明則其地儒道大興中星在正南又吾粵之所宜候者洪武永樂間五星兩聚牛斗占者謂黃雲紫水間當有異人已而白沙先生出其後成化丙戌中星明于越之分野而甘泉以是歲生自此粵士大夫多以理學興起肩摩躡接彬彬乎有鄒魯之風祭酒倫右溪嘗築二堂於越山一曰中星一曰聚星與名儒十有一人講學以應其祥王青蘿云五緯維三星合者有之四星合則鮮矣五則又鮮四星合曰昌五星合曰祥故

五星聚東井餘氣及於越門而南武霸業以立五星聚牛斗光芒射于南海而江門道學以興天象誠不虛垂示也羅公洪先云甘泉考終之夕有一星從東南來其大如斗光景燭天至貢院之中而隕聲若雷震先生之生應中星之見其沒也應星之隕噫嘻豈非一代之哲人者哉

祥雜紀

附

東漢安帝永和元年丁未夏四月大雨雹

東漢書

晉武帝太元十七年壬辰春二月廣州甘露降

晉書

冊府元龜甘露降於南海番禺縣楊樹

宋武帝永初八年乙亥春三月甘露降於城北刺

史陸徽以聞 宋紀

文帝元嘉八年辛未夏五月甘露降 宋紀

陳武帝永定三年己卯白龍見

陳書廣州刺史歐陽頎表白龍見於州江南

岸長數十丈大可八九圍歷州城西道入天

井岡

唐武后垂拱三年丁亥秋七月雨金於廣州 唐書

元宗開元二年甲寅竹有華實是歲大饑 唐書

後梁太祖乾化元年十一月廣州獲白鹿二年白

龍見 梁紀

後唐莊宗同光三年乙酉秋白龍見南宮

按僞南漢書南漢劉龔作南宮在今仙湖白

蓮池前為藥洲因白龍之兆又改名龔改元

白龍以應之

宋太祖開寶元年戊辰秋九月廣州民見眾星皆

北流 僞南漢書

文獻通考云此劉鋹舉國歸中原之兆

八年乙亥冬十月颶風大雨水廣州颶風起一

晝夜雨水二丈餘海為之泛飄失舟楫 宋史

三城下金 卷一 三
太宗太平興國六年辛巳春三月生黃芝三莖

知廣州李昌齡圖以獻 宋史

仁宗慶歷五年丙戌七月戊申地震 宋史

神宗熙寧七年甲寅夏六月鳳凰見志載六章

五彩冠如金杯身長八尺高五尺羣鳥隨之

宋史

高宗紹興十六年丙寅廣州久旱鱗化爲鼠 舊通志

志

理宗淳祐五年夏五月颶風大作夜潮不得退

復駕晝潮沓之淫潦暴至瀕海室廬俱水深

至四五尺溺二千餘家冬十二月大雪三日

積盈尺餘炎方所未有也 舊通志

元順帝至正十二年壬辰夏五月有星如月隕於

廣州自西墜於南聲如雷 舊通志

二十二年壬寅秋八月長星竟天 元史

明太祖洪武五年壬子夏四月地震

按舊通志四月二十一日辰時地震是年八

月二十日卯時又震大聲如雷地拆二里許

六年癸丑夏六月天雨米

按舊通志六月十九日未時天雨米如早白

穀身粗小長黑色如火燒炊蒸為飯甚柔饌人爭掃食有取至二三斗者

七年甲寅冬十月黑氣亘天居民對面不相見

者竟日

番禺縣志

成祖永樂五年丁亥春三月雨雹

南海縣志

十三年乙未秋颶風大水冬有雪梅枯死

南海

縣志

二十年壬寅夏五月己未颶風暴雨海水漲溢按通志溺死者三百六十餘口漂沒廬舍千二百間壞倉糧一萬五千三百餘石

景宗景泰元年庚午春三月有大星隕於廣州

河南四月反賊黃蕭養伏誅

廣州府志

二年辛未雨雹

南海縣志

八年甲申城西有虎暴

南海縣志

憲宗成化二十三年丁未夏五月地震有聲

南海

縣志

孝宗宏治五年壬子颶風大水失潮

南海縣志

十五年壬戌春三月雨雹折樹木破房屋壓

死雀鳥無數歲則大熟穀每石五十錢

南海縣志

武宗正德五年庚午秋七月慶雲見

南海縣志

八年癸酉夏六月日中雨石是日天忽暗晦

南方一道黑氣自下騰空震動有聲頃刻落

石大者如拳小者如卵其色赤而黑番禺縣志

世宗嘉靖九年庚寅天雨色綠番禺縣志

二十四年乙巳冬十二月晦日無光變青紫

色有黑氣如盤飛盪滿天南海縣志

三十九年庚申夏六月地震有聲番禺縣志

四十年辛酉夏五月晦日赤紅亘天通志

四十三年甲子正月雨至八月番禺縣志

穆宗隆慶三年己巳春三月土星逆行犯太微

垣上將星秋九月大雨拔木冬十二月西樵

山大雪林木皆冰二月乃解番禺縣志

神宗萬曆六年戊寅彗星見於東方流於西尾

長竟天經月始滅番禺縣志

十年壬午春菊有黃華通志

二十三年乙未春旱東方有大星出小星羣

繞秋大旱赤地千里番禺縣志

二十四年丙申秋七月雨豆九月地震者三

南海縣志

二十七年己亥元旦雷鳴南海縣志

三城百錄 卷一
二十八庚子春黑青見青自省城起徧於
鄉落妖怪變幻每夕傷人 廣州府志

三十三年甲辰夏五月二十八日丑時地大
震次日子時復震又次日申時大震六月初
四日戌時地大震秋七月初四日子時地震
八月二十五日戌時又震次日子時復大震
冬十月初七日申時地又震 南海志

三十七年巳酉秋七月朔大水先數日炎氣
如蒸晦日薄暝赤雲漫空未幾靚雨傾盆雷
擊郡文廟次日申時雨止各坊水深四五尺

壞城內西偏房屋特甚 南海縣志

懷宗崇正九年丙子龍起城西柳波涌海上 南海

縣志

十三年庚辰夏五月城西鄧聖圖簷柯集異
蟬二至七八日始去蟬大如掌人面頭目口
鼻俱全

秋七月有大星流於廣州城外東北星大如
盤長如練其光燭地蓋天狗星也 南海縣志

十四年辛巳秋八月虎至城北濠居民環捕
竟逸去 南海縣志

十六年癸未冬十一月晡時有流星光芒丈餘自西南入東北有聲南海縣志

城池

內城 卽今老城

越稱南武漢築番禺

按廣東通志及府縣各新舊志皆載漢番禺城在郡南五

十里西接牂牁江其非今省城之地明甚但故址難考又按漢書南海郡屬交陞部刺史治羸樓後徙治番禺城于此似無可疑者第在西接牂牁江漢築番禺城于此似無可疑者第在西接牂牁相去有五百里之遙非南五十里也豈郡南五十里之地別有番禺城乎毋亦舊志相沿譌爲南五十里也
番山之北步騫廣之按漢書初州治未可知也
牂牁沮洳難居建安十五年刺史步騫徙治尉佗故都闡番山之北以廣之因徙自廣信故稱廣州廣州之名所由昉也觀此則番禺城之在廣信而非郡南五十里似有可據
禺山之平劉隱鑿焉要皆世遠年湮名存蹟滅矣宋

元以來復有三城之築自明洪武十三年永嘉侯朱亮祖以舊城低隘始合三城為一更闢東北山麓以廣之此即今之內城也為門七曰正東曰正西曰正北稍東曰小北曰正南稍東曰定海俗呼為小南門稍西曰歸德城東西之外因舊浚池唯城北一面枕倚嶺嶠不能浚濠乃於正北門外築甕城以蔽之成化三年總督韓雍築正南歸德二門月城俱上建層樓下闢三門故至今最為雄壯宏治十六年復修東西門月城濠之東西各疏水關一嘉靖十三年增築定海門

月城萬歷二十七年始開文明門

國朝康熙十三年因滇逆之變閉之巡撫李士楨以郡學前門文明宜啟遂復開

外城 即今新城

廣東通志宋嘉定三年經畧使陳峴築鴈翅城東長九十丈西長五十丈上建高樓東曰番禺都會西曰南海勝觀其後摧剝至明嘉靖四十二年都御史吳桂芳勅築自西南角樓以及五羊驛遶環至東南角樓新城以固防禦為門八東曰永安南曰永清西曰太平東南曰便門西南

日五仙曰靖海曰油欄曰竹欄殆今之外城也
而宋之雁翅城不可考也

東西二翼城

廣東通志宋開慶元年經畧使謝子強曾築羊馬
墻高六尺許於鴈翅城下隙壤植以水柵翼而
至海今不考

國朝順治四年冬總督佟養甲築東西二翼城各
長二十餘丈直至海旁爲門各一卽今所謂雞
翼城也

池

廣東通志宋大中祥符中邵暉知廣州始鑿濠爲
池以通舟楫慶歷中魏瓘以集賢院學士再知
廣州環城浚之熙寧初轉運使王靖城東城復
濠其外嘉定三年經畧陳峴重濬之長一千六
百丈東西置閘開慶元年經畧使謝子強復拓
之廣二十丈深三丈東西壩頭甃以石復自蒲
澗秦霞洞導泉水西入於薛薛水又西入于粵
秀山之左築堰瀦之深二丈餘以滄浸州後之
平地南開小竇溢則洩之於濠近年決其堰納
于濠遂田其故地屬之官明洪武十三年永嘉

三城古鏡 卷一 一
侯朱亮祖連三城爲一因濬舊濠周二千三百五十六丈五尺唯北面枕山未浚成化三年總督韓雍巡按陳濂議欲連北山鑿之太監陳瑄考舊志以省城地脉發跡在此鑿之非宜遂寢其役地脉因瑄不斷人服其識云

南濠

廣東通志南濠在城樓下限以閘門與潮上下古西澳也宋景德年間經略使高紳所闢納城中諸渠水以達於海淳熙三年經略使周自强復浚之歲久復湮嘉定三年經略使陳峴復開自

外通舟楫以達于市旁翼以石欄自粵樓至閘門長一百丈濶十丈自閘至海長七十五丈紹定三年經略使方大琛又濬之寶祐元年經略使李迪復自擢甲巷開浚至閘口又加深焉明洪武十三年展築城池改甃濠南舊水關廣僅六尺關下鉄石柱間几兩重以嚴防禦國朝康熙二十二年布政司郎廷樞疏濬南流復通舟楫民稱便焉

東濠

廣東通志東濠在省城東明洪武十三年永嘉侯

羊城古錄 卷一
朱亮祖連三城爲一因舊浚濠以北面枕山于東門之北城下置小水閘防以柱石疏成渠道以引山澗之水成化三年當事者議欲連北山鑿之懼傷地脉而止唯浚東濠長二百六十五丈深一丈六尺

西濠

廣東通志西濠在省城西宋經略使陳峴浚濠通江建東西二閘及元至元中宣慰使世傑班始建木橋高跨西壩以通往來名曰太平橋明洪武以後屢修之成化八年都御史韓雍改砌以

石引流自西達江舟楫出入雖海風大發不能爲患嘉靖五年巡按御史涂相從郡人彭澤議分東西展流逕西直入于海建大觀橋其上後總督戴耀巡按李時華開復太平舊濠遶新城而南達珠江實爲省會永利焉

清水濠

廣東通志清水濠卽古東濠也在南城宋行春門下穴城而達諸海長二百有四丈廣十丈廣州府志謂鑿自宋時其起止廣狹不詳

六脈渠

廣東通志內城古渠有六脈渠渠通於濠濠通於海所謂六脈者草行頭至大市通大古渠水出南濠一淨慧寺街至觀堂巷擢甲里新店街合同場番塔街通大古渠水出南濠二光孝寺街至詩書街通仁王寺前大古渠水出南濠三大均市至鹽倉街及小市至鹽步門通大古渠四按察司至清風橋水出橋下五子城城內出府學前泮池六六脈通而城中無水患蓋城渠之水達於閘閘之水達於濠濠之水入於海此城內水利所由通也

按古有東濠西濠南濠清水濠之名今遶城二千餘丈通謂之濠其在城東者曰東濠在城西者曰西濠在城南者曰南濠而可得而指名者惟清水濠其實不但西南本屬一濠卽四濠亦祇一水也若外城則以珠江爲池東接東江西引三水湯湯數百里與海相委輸昔楚人侈漢水之大後兼有越地海以爲池漢云乎哉外以壯形勢內以設險阻鑿築同功金湯誠並固也

又按南海縣志謂城濠原廣十丈有奇今侵

于濠畔之民始爲木欄繼甃以石日積月累
濠愈狹矣比之初額不及其半長此安窮是
不可不爲亟正也

